

sel dringende Feuchtigkeit verzehret / und auff sol-
che Weise allgemählich abziehet / und abtreibet.

Das 13. Capitel.

Von allerhand Kranckheiten und Scha-
den derer Bäume / und zwar erstlich
in specie vom Krebs.

Woher derselbe komme / und wie er zuver-
treiben?

Der Krebs ist eine Kranckheit der Bäume /
davon die Rinde an etlichen Orten auff-
läufft / und als eingekerbet zu seyn scheint /
alsden fänget ein Ast nach dem andern an abzuster-
ben und abzudrucken. Die Ursachen dieses / werden
von vielen mancherley aufgezeichnet; Als / daß sol-
ches geschehe / wann die Bäume in Scorpion oder
Krebs versetzt / oder gepfropffet werden: wo durch
denn alsobald die Kranckheit sich in die Ri- den se-
tzt / und gemählich denen Bäumen die Krafft be-
nimbt / so / daß er endlich ersterben muß. Ist dero-
halben im pfroffen / als auch im außgraben / einse-
hen / beschneiden / ja allerdings bey dem Obstbrechen
mit großem Fleiß darauff zu sehen / daß man solche
Zeit und Zeichen vermeide. Ich habe selbst
vorsetzlicher Weise versuchet / und im Zeichen des
Krebses einen Aepffel-Baum gepfropffet / der zwar
das erste / ja auch das ander Jahr wacker gewach-
sen / und getrieben / aber im dritten Jahr / ehe der-
selbe noch ist versetzt worden / hatte er schon hin und
wie

D

wie